



Komuna e Podujevës

REPUBLIKA E KOSOVËS - REPUBLIKA KOSOVA - REPUBLIC OF KOSOVO KOMUNA E PODUJEVËS / OPSTINA PODUJEVO / MUNICIPALITY OF PODUJEVA DREKTORIA E ADMINISTRATËS - UPRAVA ADMINISTRACIJE		
Derguar me Dostavljeno 05.08.2025		
Nr. org. Org. jed.	Nr. Br.	Shtojcë - Prilog
02-016101-00465 46/25		
PODUJEVË - PODUJEVO		



Memorandum i Bashkëpunimit

ndërmjet:

Komuna e Podujevës

dhe

Rrjetit të Grave të Kosovës (RrGK)

Duke pasur parasysh përkushtimin e përbashkët për të adresuar dhunën me bazë gjinore (DhBGj) dhe për të fuqizuar mekanizmat koordinues lokal për të siguruar mbrojtje dhe mbështetje për viktimat e DhBGj-së, Rrjeti i Grave të Kosovës (RrGK) dhe Komuna e Podujevës lidhin këtë marrëveshje bashkëpunimi.

Neni 1

Qëllimi

Qëllimi i kësaj marrëveshje është bashkëpunimi i ndërsjellë në mes të RrGK-së dhe Komunës së Podujevës për të punuar me Mekanizmin Koordinues Komunal Kundër Dhunës në Familje (MKKDhF) me qëllim të fuqizimit të tij për të siguruar mbrojtje për viktimat e dhunës me bazë gjinore.

Neni 2

Synimi

Synimi i kësaj marrëveshje është mbështetja e forcimit të MKKDhF-së në Komunën e Podujevës. Kjo do të arrihet përmes vlerësimit të nevojave të MKKDhF-së, trajnimeve të nevojshme dhe përpilimi i strategjisë të zhvillimit të kapaciteteve, planeve të punës dhe ndihmën në planifikimet buxhetore.

Neni 3

Fushë veprimtaria

Bashkëpunimi reciprok në mes të RrGK-së dhe Komunës së Podujevës do të përfshijë mbështetjen e ofruar nga Komuna e Podujevës për të vlerësuar nevojat e MKKDhF-së, organizimin e trajnimeve dhe organizimi i RrGK-së për vlerësimin e nevojave të MKKDhF-së, organizimi i trajnimeve, mbështetja në përpilimin e strategjisë dhe mbështetja në krijimin e buxhetit vjetor për funksionalizim të MKKDhF-së.

Neni 4

Rrjeti i Grave të Kosovës

RrGK do t'i përmbahet obligimeve dhe përgjegjësisë të përcaktuara me këtë Marrëveshje Bashkëpunimi.

RrGK do të bëjë vlerësimin e nevojave për të matur njohuritë e MKKDhF-së për rolet dhe përgjegjësitë e tyre sipas Ligjit për Parandalimin dhe Mbrojtjen nga Dhuna në Familje, Dhuna ndaj Grave dhe Dhuna me Bazë Gjinore; boshllëqet në kapacitetin e tyre institucional për të kryer këto role dhe përgjegjësi; njohuri për burimet që ata mund të kenë akses për të kryer me sukses rolet dhe përgjegjësitë e tyre si anëtarë të MKKDhF-së dhe preferencat për komunikim dhe koordinim me anëtarët e tjerë të MKKDhF-së.

Pas vlerësimit të nevojave, RrGK do të ofroj trajnime të specializuara për MKKDhF-në në Komunën e Podujevës.

RrGK do të mbështesë MKKDhF-në përmes një procesi ndërveprues në bashkëkrijimin e strategjive të zhvillimit të kapaciteteve, planeve të punës dhe buxheteve për punën e tyre duke përfshirë nxjerrjen nga përvoja e RrGK-së përdorimin e buxhetimit të përgjegjshëm gjinor në përcaktimin e kostos së nevojave të MKKDhF-së.

RrGK do të asistojë MKKDhF-në duke aplikuar një qasje të bazuar në të drejtat, informuese mbi traumat dhe të mbijetuarit/at në menaxhimin e rasteve të DhBGj-së në përputhje me Konventën e Stambollit; do të lehtësojë në mënyrë efikase takimet e MKKDhF-së, do t'i dokumentojë ato në mënyrë të përshtatshme dhe të ndjekë detyrat dhe përgjegjësitë e caktuara për anëtarët e ndryshëm të MKKDhF-së.

RrGK do të asistojë MKKDhF-në të zhvillojë bashkëpunim me sektorin privat për punësimin e të mbijetuarve të DhBGj-së; do të asistojë MKKDhF-në në përgatitjen e raportimit për institucionet qendrore, duke

përfshirë rritjen e kapaciteteve për të futur të dhënat në Bazën Kombëtare të Menaxhimit të Rasteve të DhF.

Neni 5

Komuna e Podujevës

Komuna e Podujevës, në pajtim me Ligjin Nr. 06/L-132 për Parandalimin dhe Mbrojtjen nga Dhuna në Familje, Dhuna ndaj Grave dhe Dhuna në Baza Gjimore, si dhe me RREGULLOREN (QRK) – Nr. 01/2025 për Mekanizmin Koordinues Lokal për Mbrojtje nga Dhuna në Familje, Dhuna ndaj Grave dhe Dhuna në Baza Gjimore, ka për detyrë:

- Të krijojë dhe funksionalizojë Mekanizmin Koordinues Lokal për Mbrojtje nga Dhuna në Familje, duke siguruar përbërjen e plotë institucionale;
- Të ndajë burime të mjaftueshme financiare dhe njerëzore për funksionimin efektiv të MKKDhF-së;
- Të ftojë takime të rregullta të Mekanizmit (së paku një herë në tremujor) dhe të përcaktojë rendin e ditës për to;
- Në raste specifike, të ftojë grupe të ngushta profesionale për trajtimin e rasteve me rrezikshmëri të lartë, në bashkëpunim me Qendrën për Punë Sociale dhe anëtarët tjerë të MKKDhF-së;
- Të sigurojë proces të rregullt të komunikimit të brendshëm ndërmjet anëtarëve të Mekanizmit gjatë mbledhjeve;
- Koordinon punën e Mekanizmit Koordinues Lokal për hartimin e Planit të Veprimit për Zbatimin e Strategjisë Kombëtare për Mbrojtje nga Dhuna në Familje dhe Dhuna ndaj Grave, i cili miratohet nga Kuvendi i Komunës;
- Të raportojë progresin e zbatimit të planeve të veprimit dhe politikave të miratuara në nivel lokal, në përputhje me detyrimet ligjore dhe kërkesat e Koordinatorit Kombëtar.

Neni 6

Dispozitat Përfundimtare

Kjo Marrëveshje Bashkëpunimi hyn në fuqi në ditën e nënshkrimit dhe do të jetë në fuqi deri sa palët nuk vendosin ndryshe.


Marrëveshja e Bashkëpunimit do të plotësohet apo ndryshohet me marrëveshje me shkrim nga të dy palët.

Kjo Marrëveshje e Bashkëpunimit nënshkruhet në dy ekzemplarë të njëjtë, nga një ekzemplar për secilën palë.

Palët nënshkruese:

Shpejtim Bulliqi

Kryetar i Komunës
Komuna e Podujevës



Igballe Rogova

Drejtoresha Ekzekutive
Rrjeti i Grave të Kosovës



05.08.2025